

## KKTU Anjur Karnival Hari Belia UMS

Terakhir dikemaskini: Khamis, 04 April 2019 16:18 | [Cetak](#) | Jumlah paparan: 121

Kongsi 0

Syorkan 0

Kongsi

Tweet

Share



**KHAMIS, 4 APRIL -**  
Exco Keselamatan bersama Exco Sukan dan Rekreasi dan Exco Kebajikan Jawatankuasa Kebajikan Mahasiswa (Jakmas) Kolej Kediaman Tun Mustapha (KKTU)

Universiti Malaysia Sabah (UMS) dengan kerjasama Majlis Perwakilan Pelajar (MPP) telah menganjurkan Karnival Hari Belia UMS di Padang Kawad UMS, baru-baru ini.

Pengarah Karnival Hari Belia UMS, Mohd Zuhairy Mohd Zaidy berkata, program itu bertujuan untuk memberi input kepada para pelajar mengenai aspek-aspek keselamatan dan kesihatan semasa serta memperkasa mental dan fizikal bagi melahirkan suasana proaktif kepada pelajar-pelajar UMS.

Majlis perasmianya disempurnakan Timbalan Pengetua KKTU, Dr. Badariah Saibeh.

Dr. Badariah berkata belia merupakan warga yang membentuk dan menjadi penerus masa depan.

“Kalau bukan belia sendiri yang tidak memainkan peranan dalam menjaga kesejahteraan, jadi siapa lagi yang nak diharapkan untuk menjadi penerus generasi,” ujarnya.

Sementara itu, Presiden MPP UMS, Mohd Jivean Johan Wira bin Ahmad berkata, residen KKTU merupakan sebahagian daripada golongan belia yang sangat penting dalam membentuk keharmonian.

“Saya rasa bangga kerana masih ada lagi golongan belia yang sayangkan warga sejagat dengan meneruskan legasi kemakmuran melalui penganjuran program berkaitan belia. Tahniah kepada KKTU kerana berjaya menganjurkan program ini,” tambahnya.

Kira-kira 41 pasukan serta 50 individu yang terdiri daripada pelajar dan orang awam menyertai pertandingan yang diadakan dalam program ini.

Pelbagai acara telah diadakan sempena Karnival Hari Belia UMS antaranya e-sports, Bola Sepak 9 Sebelah, Muscle Mania, pertandingan larian 4x100m, Kempen Derma Darah dan Forum Keselamatan.

Selain itu, karaoke terbuka, busking dan pelbagai gerai jualan turut dianjurkan.

